

ქ. თბილისი

05.05.2021 წელი

1. ხელშეკრულების დამდები მხარეები

ერთი მხრივ, შპს „ეკოსერვის ჯგუფი“ (შემდგომში „შემსყიდველი“), წარმოდგენილი მისი დირექტორის ვახტანგ ნოზაძის სახით და მეორე მხრივ, შპს „დავითი“ (შემდგომში „მიმწოდებელი“), წარმოდგენილი მისი დირექტორის თამაზ ზანგალაძის სახით, საქართველოში მოქმედი კანონმდებლობის და პრეტენდენტის სატენდერო წინადადების საფუძველზე NAT210006686 ელექტრონული ტენდერის (აუქციონის გარეშე) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

**2. ხელშეკრულების (შესყიდვის) ობიექტი, შესყიდვის საშუალება,
ხელშეკრულების ღირებულება და ხელშეკრულების მოქმედების ვადა**

- 2.1 ხელშეკრულების (შესყიდვის) ობიექტია - შპს „ეკოსერვის ჯგუფი“-ს მოვლა-პატრონობაში არსებულ შადრევნებზე დამონტაჟებული ტუმბო-აგრეგატებისა და ელექტროძრავების შეკეთება და ტექნიკური მომსახურების სახელმწიფო შესყიდვა (კლასიფიკატორის კოდი: 50511000 - ტუმბოების შეკეთება და ტექნიკური მომსახურება; 50532100 - ელექტროძრავების შეკეთება და ტექნიკური მომსახურება).
- 2.2 ხელშეკრულებით გათვალისწინებული გასაწევი მომსახურების ზუსტი აღწერა მოცემულია ხელშეკრულების დანართ N1-ში (მომსახურების პრეისკურანტი), რომელიც წარმოადგენს ხელშეკრულების განუყოფელ ნაწილს.
- 2.3 პრეისკურანტის ღირებულებაა 34889.00 (ოცდაათოთხმეტი ათას რვაასოთხმოცდაცხრა ლარი) ლარი, ერთეულის ფასები მოცემულია დანართ N1-ში და წარმოადგენს ხელშეკრულების განუყოფელ ნაწილს, ხოლო სახელშეკრულებო ღირებულება შეადგენს 44000.00 (ორმოცდაათი ათასი) ლარს, ყველა ხარჯისა და გადასახადის ჩათვლით.
- 2.4 თუ მომსახურების პროცესში აღმოჩნდება რომ საჭიროა ისეთი მომსახურების და/ან სათადარიგო ნაწილის მიწოდება, რომლის ფასიც განსაზღვრული არ არის დანართი N1-ით, ასეთ შემთხვევაში მხარეები იხელმძღვანელებენ სახელმწიფო შესყიდვის სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ მე-11 მუხლის მე-5 პუნქტით დადგენილი წესის შესაბამისად.
- 2.5 ხელშეკრულება ძალაშია მხარეთა მიერ ხელმოწერიდან და მოქმედებს 2023 წლის 30 იანვრის ჩათვლით.

3. მომსახურების გაწევის პირობები, ვადა და ადგილი

- 3.1 მომსახურების გაწევის ვადა: ხელშეკრულების გაფორმების დღიდან 2021 წლის 25 დეკემბრის ჩათვლით, ეტაპობრივად, შემსყიდველის საჭიროების და მოთხოვნის შესაბამისად.
- 3.2 მიმწოდებელმა ტუმბო-აგრეგატებისა და ელექტროძრავების დემონტაჟი ან/და მონტაჟი ან/და შესაკეთებელი ტუმბო-აგრეგატებისა და ელექტროძრავების შესაკეთებლად ტრანსპორტირება და შეკეთებული ტუმბო-აგრეგატებისა და ელექტროძრავების ტრანსპორტირება უნდა განახორციელოს ქალაქ თბილისის ტერიტორიაზე - შემსყიდველის მიერ მითითებულ ადგილზე.
- 3.3 მომსახურება მიმწოდებლის მიერ გაწეული უნდა იქნეს სრულად, საკუთარი მასალით/სათადარიგო ნაწილებით და ტრანსპორტირებით. მიმწოდებელმა მომსახურების გაწევის პერიოდში უნდა გამოიყენოს ახალი (ექსპლუატაციაში არ მყოფი) მასალა/სათადარიგო ნაწილები.
- 3.4 მიმწოდებელმა ყოველ კონკრეტულ შემთხვევაში უნდა უზრუნველყოს მომსახურების გაწევა შემდეგი ვადების დაცვით:
- 3.4.1 დანართი N1-ს პირველ და მეორე პოზიციებზე მითითებული ტუმბო-აგრეგატების და ელექტრო ძრავების შეკეთება-ტექნიკური მომსახურების ვადად განისაზღვროს შემსყიდველის მხრიდან დეფექტური აქტის დამოწმებიდან 15 კალენდარული დღე;
- 3.4.2 დანართი N1-ს მესამე, მეოთხე და მეხუთე პოზიციებზე მითითებული ტუმბო-აგრეგატების და ელექტრო ძრავების შეკეთება-ტექნიკური მომსახურების ვადად განისაზღვროს შემსყიდველის მხრიდან დეფექტური აქტის დამოწმებიდან 20 კალენდარული დღე;
- 3.4.3 დანართი N1-ს მეექვსე და მეშვიდე პოზიციებზე მითითებული ტუმბო-აგრეგატების და ელექტრო ძრავების შეკეთება-ტექნიკური მომსახურების ვადად განისაზღვროს შემსყიდველის მხრიდან დეფექტური აქტის დამოწმებიდან 25 კალენდარული დღე.
- შენიშვნა: განსაკუთრებულ შემთხვევაში შესაძლებელია მომსახურების გაწევის ვადა შეიცვალოს შემსყიდველთან შეთანხმებით, რაც აუცილებლად უნდა დაფიქსირდეს დეფექტურ აქტში.
- 3.5 შემსყიდველი უფლებამოსილია მომსახურება შეისყიდოს მხოლოდ მისი საჭიროების შესაბამისი მოცულობით.
- 3.6 მიმწოდებელი ვალდებულია, შემსყიდველის შეტყობინებიდან 3 (სამი) სამუშაო დღის ვადაში უზრუნველყოს ტუმბო-აგრეგატ(ებ)ის ან/და ელექტრო ძრავების დათვალიერება (შემოწმება) და ამავე ვადაში დეფექტური აქტის (დანართი N2) შედგენა და გამოგზავნა შემდეგ ელექტრონული ფოსტის მისამართებზე: info@ecosg.gov.ge ან/და m.tabagari@ecosg.gov.ge. შემსყიდველის თანხმობის გარეშე (ხელშეკრულების 3.6 პუნქტში მითითებული ერთ-ერთი ელექტრონული ფოსტიდან თანხმობის მიღების გარეშე), ტუმბო-აგრეგატ(ებ)ის ან/და ელექტრო ძრავების შეკეთების შემთხვევაში, კომპანია იტოვებს უფლებას, არ აუნაზღაუროს მიმწოდებელს გაწეული მომსახურების ღირებულება;
- 3.7 ამ მუხლის 3.4 პუნქტში მოცემული ვადების ათვლა დაიწყება 3.6 პუნქტის შესაბამისად შემსყიდველის მიერ ელექტრონულად გაცემული თანხმობის მომენტიდან.
- 3.8 მომსახურება მიმწოდებლის მიერ გაწეული უნდა იქნეს სრულად, საკუთარი ახალი (ექსპლუატაციაში არ მყოფი) მასალით/სათადარიგო ნაწილებით.
- 3.9 შემსყიდველი უფლებამოსილია მომსახურება შეისყიდოს მხოლოდ მისი საჭიროების შესაბამისი მოცულობით.
- 3.10 მიმწოდებელი ვალდებულია საკუთარი ხარჯით უზრუნველყოს მისი ბრალეულობით შემსყიდველისათვის მიყენებული ზიანის ანაზრაურობა.

3.11 იმ შემთხვევაში, თუ აღმოჩნდება რომ მიმწოდებლის მიერ არ არის სრულყოფილად გაწეული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით.

4.შესყიდვის ობიექტის ხარისხი და გარანტია

4.1 იმ შემთხვევაში, თუ აღმოჩნდება რომ მიმწოდებლის მიერ არ არის სრულყოფილად გაწეული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით.

4.2 შევეთხებულ ტუმბო-აგრეგატებსა და ელექტროძრავებზე სწორი ექსპლუატაციის პირობებში, მიმწოდებლის მიერ გაწეული მომსახურების ფარგლებში ვრცელდება გარანტია 1 (ერთი) წელი;

4.3 საგარანტო ვადის განმავლობაში გამოვლენილი დაზიანების/წუნის შემთხვევაში მიმწოდებელი ვალდებულია ხელშეკრულების 3.4 პუნქტის შესაბამისი ვადების დაცვით საკუთარი ხარჯებით აღმოფხვრას აღმოჩენილი წუნი/დაზიანება.

5.ხელშეკრულების შესრულების კონტროლი (ინსპექტირება)

5.1 ხელშეკრულების კონტროლს (ინსპექტირებას) შემსყიდველის მხრიდან განახორციელებენ შპს „ეკოსერვის ჯგუფი“-ს ჰიდრო სისტემების მოვლა-პატრონობის სამსახურის ინჟინრები გიორგი სარალიძე ან/და მამუკა ბოჭორიშვილი.

5.2 ამ მუხლის პირველი პუნქტით გათვალისწინებული პირ(ებ)ის ფუნქციას გაწეული მომსახურების ხარისხის, მიწოდების ვადების, საგარანტო ვადის/პირობების და სხვა კრიტერიუმების შესაბამისობის დადგენა ხელშეკრულებით გათვალისწინებულ პირობებთან.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, და კონტროლის (ინსპექტირების) შედეგად გამოვლენილი ყველა ხარვეზის აღმოფხვრა.

6.შესყიდვის ობიექტის მიღება-ჩაბარების წესი

6.1 მომსახურება გაწეულად ჩაითვლება მხოლოდ მიღება-ჩაბარების აქტის გაფორმების შემდეგ;

6.2 მიმწოდებელმა მომსახურების გაწევამდე შემსყიდველს უნდა წარუდგინოს დეფექტური აქტი (დანართი N2), ხოლო მომსახურების გაწევის შემდგომ შუალედური მიღება-ჩაბარების აქტი (დანართი N3), რომელსაც შემსყიდველის მხრიდან ხელს მოაწერს შპს „ეკოსერვის ჯგუფი“-ს უფლებამოსილი წარმომადგენელი. აღნიშნული დანართების საფუძველზე გაფორმდება ყოველთვიური (ყოველი თვის ბოლოს) მომსახურების დამადასტურებელი მიღება-ჩაბარების აქტი - (დანართი N4).

6.3 შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ შპს „ეკოსერვის ჯგუფი“-ს ჰიდრო სისტემების მოვლა-პატრონობის სამსახურის ინჟინრები გიორგი სარალიძე ან/და მამუკა ბოჭორიშვილი.

7.ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება შპს „ეკოსერვის ჯგუფი“-ს 2021 წლის სახსრებით.

7.3. ანგარიშსწორება მიმწოდებელთან განორციელდება ეტაპობრივად - ყოველ თვეში გაწეული მომსახურების ღირებულება ანაზღაურდება მომდევნო თვეში, მიმწოდებლის მიერ ანგარიშსწორებისთვის საჭირო დოკუმენტაციის (საბოლოო მიღება-ჩაბარების აქტისა და საგადასახადო ანგარიშგაქტურის - ანგარიშსწორების მომენტში დღეს გადამხდელის შემთხვევაში) წარმოდგენიდან 10 სამუშაო დღის ვადაში.

7.4 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულების შესრულების ვადის გადაცილების შემთხვევაში, "მიმწოდებელს" დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით.

8.3 ხელშეკრულებით ნაკისრი ვალდებულებების შეუსრულებლობის შემთხვევაში, "მიმწოდებელი" ჯარიმდება ხელშეკრულების ჯამური ღირებულების 5 (ხუთი) პროცენტის ოდენობით.

8.4 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, "შემსყიდველი" იტოვებს უფლებას შეწყვიტოს ხელშეკრულება და მოსთხოვოს "მიმწოდებელს" ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.5 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8.6 ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს საქონლის ღირებულებიდან, იმ შემთხვევაში თუ საქონლის მიწოდება არ არის განხორციელებული მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შესმსყიდველის სასარგებლოდ, ხოლო იმ შემთხვევაში თუ საქონლის ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესმსყიდველის სასარგებლოდ საჯარიმო თანხებსა და საქონლის ღირებულებას შორის არსებული სხვაობა შესმსყიდველის სასარგებლოდ.

9.ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.4 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.5 ამ მუხლის 9.4 პუნქტში მითითებულ შემთხვევებში, შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

10. ფორს-მაჟორი

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის ან/და მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის ვადაში უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, წინააღმდეგ შემთხვევაში გარემოება არ ჩაითვლება ფორს მაჟორულად.

11. ხელშეკრულებაში ცვლილებების შეტანა

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლის შესაბამისად, სახელმწიფო შესყიდვის შესახებ ხელშეკრულების შეცვლის პირობები განისაზღვრება მოქმედი კანონმდებლობის შესაბამისად.

12. ურთიერთობა ხელშეკრულების დამდებ მხარეებს შორის

12.1 ხელშეკრულებიდან გამომდინარე ნებისმიერი შეტყობინება უნდა გაიგზავნოს ოფიციალური წერილის სახით ან ელექტრონული ფოსტის მეშვეობით წინამდებარე ხელშეკრულების რეკვიზიტებში მითითებულ ელექტრონული ფოსტის მისამართზე.

13. სხვა პირობები

13.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3 ხელშეკრულება შედგენილია ქართულ ენაზე, 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან.

13.4 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

13.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

14. მხარეთა რეკვიზიტები

შემსყიდველი:

შპს „ეკოსერვის ჯგუფი“

მის: ქ. თბილისი, მთაწმინდის რაიონი, ქუჩა სანაპირო

N 8 (ნაკვეთი 4/27)

ელ-ფოსტა: info@ecosg.gov.ge

სს „თბილისი ბანკი“

კოდი: TBCBGE22

ა/ა № GE12TB7448434020100001

ს/კ 404553666

მიმწოდებელი:

შპს „დავითი“

მის: თბილისი, მარჯანიშვილის ქ. N40

ელ-ფოსტა: davitzangaladze@gmail.com

სს „საქართველოს ბანკი“

კოდი: BAGAGE22

ა/ა № GE28BG0000000168179100

ს/კ 206261043

ფასების ცხრილი (პრეისკუანტი)												
ტუმბო-აგრეგატების და ელექტრო ძრავების შეკეთება/ტექნიკური მომსახურება												
N	ტექნიკური მახასიათებლები კვ.	მწარმოებელი ქვეყანა/მწარმოებელი		ტუმბო-აგრეგატების დემონტაჟი	ტუმბოს დაშლა/დეფექტური აქტის შედგენა	ელ. ძრავის შეკეთება, გადახვევა.	საკისრების შეძენა- შეცვლა	ტუმბოს შუა სადგომის შეძენა და შეცვლა	ტუმბოს აწყობა- შეღებვა	ტუმბოს გამოცდა	ტუმბო-აგრეგატების მონტაჟი	ჯამი
1	11	საბჭოთა კავშირი	ზღვრული ერთეულის ფასი	200.00	230.00	1950.00	430.00	210.00	320.00	130.00	250.00	3720.00
			შემოთავაზებული ფასი	160.00	184.00	1560.00	344.00	168.00	256.00	104.00	200.00	2976.00
2	15	იტალია (PEDROLLO)	ზღვრული ერთეულის ფასი	200.00	260.00	3440.00	460.00	210.00	320.00	130.00	250.00	5270.00
			შემოთავაზებული ფასი	172.00	223.60	2858.40	395.60	187.00	275.20	111.80	215.00	4438.60
3	18.5	ავსტრია (ATB)	ზღვრული ერთეულის ფასი	200.00	280.00	3920.00	480.00	210.00	320.00	130.00	250.00	5790.00
			შემოთავაზებული ფასი	184.00	257.60	3606.40	441.60	193.20	294.40	119.60	230.00	5326.80
4	22	იტალია (PEDROLLO)	ზღვრული ერთეულის ფასი	200.00	340.00	4270.00	490.00	210.00	320.00	190.00	250.00	6270.00
			შემოთავაზებული ფასი	184.00	312.80	3928.40	450.80	193.20	294.40	174.80	230.00	5768.40
5	55	საბჭოთა კავშირი	ზღვრული ერთეულის ფასი	225.00	350.00	4000.00	550.00	270.00	380.00	190.00	275.00	6240.00
			შემოთავაზებული ფასი	123.75	192.50	2200.00	302.50	148.50	209.00	104.50	151.25	3432.00

6	55	გერმანია (wilo)	ზღვრული ერთეულის ფასი	225.00	350.00	4800.00	550.00	270.00	380.00	190.00	275.00	7040.00
			შემოთავაზებული ფასი	200.25	311.50	4272.00	489.50	240.30	338.20	169.10	244.75	6265.60
7	90	გერმანია (wilo)	ზღვრული ერთეულის ფასი	250.00	470.00	6500.00	600.00	380.00	490.00	240.00	350.00	9280.00
			შემოთავაზებული ფასი	180.00	338.40	4680.00	432.00	273.60	352.80	172.80	252.00	6681.60
სულ ზღვრული ფასი												43610.00
სულ შემოთავაზებული ფასი												34889.00

დანართი 2

დეფექტური აქტი №

შემსყიდველი		შპს „ეკოსერვის ჯგუფი“				ხელშეკრულების №					
მიმწოდებელი						თარიღი					
ტუმბოს/ელ.ძრავის ტექნიკური მახასიათებელი						ტუმბოს-ელ.ძრავის დისლოკაციის ადგილი					
№	გასაწევი მომსახურება	რაოდენობა	განზომილება	ერთ. ფასი	სულ ფასი	№	შესაცვლელი სათადარიგო ნაწილები	რაოდენობა	განზომილება	ერთ. ფასი	სულ ფასი
1						1					
2						2					
3						3					
4						4					
5						5					
6						6					
7						7					

მომწოდებელი:
უფლებამოსილი პირის ხელმოწერა _____

დანართი N3

შუალედური მიღება-ჩაბარების აქტი №

შემსყიდველი		შპს „ეკოსერვის ჯგუფი“				ხელშეკრულების №					
მიმწოდებელი						თარიღი					
ტუმბოს/ელ-ძრავის მახასიათებელი						ტუმბოს/ელ-ძრავის დისლოკაციის ადგილი					
№	გაწეული მომსახურება	რაოდენობა	განზომილება	ერთ. ფასი	სულ ფასი	№	შეცვლილი სათადარიგო ნაწილები	რაოდენობა	განზომილება	ერთ. ფასი	სულ ფასი
1						1					
2						2					
3						3					
4						4					
5						5					
6						6					
7						7					

შ.პ.ს „ეკოსერვის ჯგუფის“ :

წარმომადგენელი (სახელი, გვარი) _____

ხელმოწერა _____

მიმწოდებლის უფლებამოსილი პირის ხელმოწერა _____

დანართი N4

შპს „ეკოსერვის ჯგუფი“

მიღება-ჩაბარების აქტი N

ქ.თბილისი

„___“ „____“ წელი

ჩვენ, ქვემოთ ხელის მომწერნი, ერთის მხრივ, შპს ეკოსერვის კგუფის _____ და მეორეს მხრივ, „-ის „ „ ხელმოწერით ვადასტურებთ, რომ 2021 წლის „_____“ თვეში „მიმწოდებელმა“ გაუწია, ხოლო „შემსყიდველმა“ მიიღო, 2021 წლის „_____“ „_____“ გაფორმებული # „_____“ ხელშეკრულებით გათვალისწინებული ტუმბოების/ელ.ძრავების ტექნიკური მომსახურება.

შუალედური მიღება-ჩაბარების აქტი(ები): N

- გაწეული მომსახურების ღირებულება შეადგენს „ _____ “ (თანხა სიტყვიერად) ლარი;
- სახელშეკრულებო ღირებულება შეადგენს „ _____ “ (თანხა სიტყვიერად) ლარი;
- ნაზარდი ჯამით შესრულებულია „ _____ “ (თანხა სიტყვიერად) ლარი;

მომწოდებლის უფლებამოსილი წარმომადგენელი:

შპს „ეკოსერვის ჯგუფის“ უფლებამოსილი წარმომადგენელი:

მომზადდა:

შპს „ეკოსერვის ჯგუფი“-ს

შესყიდვების მენეჯერი: მალხაზ დავაძე _____

შეთანხმებულია:

შპს „ეკოსერვის ჯგუფი“-ს

ადმინისტრაციის უფროსი: მალხაზ ლაბაძე _____